

KONDISHONNAN GENERAL PA PARTISIPÁ DEN KARNAVAL DI KÒRSOU

Publiká pa:

Asosiasion di Gruponan di Karnaval Kòrsou (A.G.K.K.)

Artíkulo 1 Definishon i Aplikashon

1. E kondishon general akí ta apliká pa tur grupo, supgrupo i partisipantenan individual ku ta partisipá den aktividatnan di karnaval organisá bou di supervishon di A.G.K.K.
2. Ku 'Organisashon' ta referí na: A.G.K.K. i/òf e entidatnan ku el a aseptá ku ta enkargá ku e ehekushon di karnaval di Kòrsou.
3. Ku 'Partisipante' ta referí na: kualke persona natural òf hurídiko ku ta registrá pa partisipá na un òf mas marcha òf aktividat di karnaval.

Artíkulo 2 Membresia i Partisipashon

1. Solamente gruponan i individuonan ku ta miembro di A.G.K.K. por partisipá den e marcha di karnaval.
2. E membresia anual ta ANG 200,00 i mester ta pagá kompletamente promé ku partisipashon.
3. Gruponan ku no paga membresia na tempu, lo pèrdè outomátikamente e derechi di partisipashon i eventual kontribushon finansiero (prekario) di e organisashon.
4. E gruponan nobo ta haña e derechi di voto i e derechi riba un kontribushon finansiero despues di un aña.
5. E kantidat mínimo di grupo ta:
 - 25 partisipante pa gruponan hubenil i di tiner;
 - 50 partisipante pa grupo di adulto (si no tin otro akuerdo ku A.G.K.K.).

Artíkulo 3 Derecho i Obligashon di Partisipantenan

1. Partisipantenan ta deklará ku pa medio e inskripshon nan ta di akuerdo ku e kondishonnan general akí i ta obligá pa kumpli ku esaki.
2. E gruponan ta obligá pa:
 - Presentá un deskripshon kompletu di e tema i trahe por lo ménos un luna promé ku e marcha na A.G.K.K.;
 - Sigui estriktamente e instrukshon di polis, direkshon di tráfiko i organisashon;
 - Nombra un lider adulto (mínimo 18 aña) ku ta responsabel pa e grupo promé, durante i despues di e marcha.
3. No ta permití pa repartí produkto, kuminda, bebida òf material di promoshon na e públiko.
4. No ta permití pa hasi ningun tipo di promoshon polítiko durante e aktividatnan di Karnaval.

Artíkulo 4 Komportashon, Siguridat i Uso di Alkohòl

1. Tur partisipante mester komportá nan mes ku rèspèt i respetá e normanan i balornan di e komunidad.
2. Trahenan òf komportashon ku por ta konsiderá komo ofensivo, diskriminatorio òf inmoral ta prohibí.
3. Uso di bebida alkohólico òf droga dor di shofùrnan i ayudantenan di vehíkulo ta estriktamente prohibí.
4. Uzo eksesivo di alkohòl pa partisipantenan ta fuertemente deskonsehá; e lider di e grupo ta responsabel pa e òrdu i siguridat den su grupo.
5. E organisadó tin e derechi pa saka partisipantenan òf gruponan ku ta komportá nan mes malu for di e marcha.

Artíkulo 5 Vehíkulonan i Ekipo

1. Kada vehíkulo ku ta partisipá na e marcha mester:
 - Tin sertifikado di kùr bálido, prueba di seguro, i karchi di impuesto;
 - Kumpli ku e rekisitonan tékniko establesé pa e komishon di inspekshon di A.G.K.K.
 - Tin por lo ménos un shofùr i un shofùr ku ta sirbi komo asistente, tur dos ku un reibeweis bálido.
2. Durante e marcha, solamente e shofùr i e un shofùr ku ta sirbi komo asistente por ta den e kabina di kondusí.
3. Ta prohibí pa interkambiá vehíkulo òf remplasá shofùr sin aprobashon previo di e organisadónan.
4. Vehíkulonan ku no yega na e punto di salida na tempu por haña un but di XCG 2.500,00 òf ta keda ekskluí for di partisipashon.
5. E uso di ‘forklift’, ‘loader’, òf vehíkulonan ku strukturanan peligroso (manera dak òf elementonan ku ta kologá) no ta permití.

Artíkulo 6 Seguro i Responsabilidadat

1. Kada grupo ta obligá di duna un lista di nòmber di partisipantenan i number di identifikashon (sédula) pa motibu di seguro.
2. E lider di grupo ta responsabel pa será un seguro bálido pa tur partisipante, inkluyendo ayudante.
3. A.G.K.K. no ta aseptá ningun responsabilidadat pa:
 - Leshon, pèrdida òf daño na propiedat di partisipantenan òf terser persona;
 - Daño kousá pa negligensia òf violashon di e reglanan akí dor di e grupo
4. Daño kousá pa un partisipante òf grupo di terser persona òf na propiedat di e organisashon ta kompletamente responsabilidadat di e grupo responsabel.

Artíkulo 7 Sanshon i Medidanan

1. Violashon di e término i kondishonnan akí por resultá den:
 - un atvertensia òf amonestashon;
 - un but òf retenshon di un kontribushon finansiero (“prekario”);
 - Eksklushon di partisipashon na eventonan di karnaval aktual òf den futuro.
2. Si un grupo viola mas ku dos (2) regla, outomátikamente e ta pèrdè su derecho riba kompensashon finansiero òf premio di plaka.
3. E desishonnan di A.G.K.K. ta obligatorio i no por wòrdu apelá a ménos ku un opheshon por eskrito wòrdu entregá denter di 10 dia di notifikashon.

Artíkulo 8 Derechonan di imágen i Publikashon

1. Dor di partisipá, kada grupo i participante ta otorgá A.G.K.K., pèrmit gratuito irevokabel pa usa imágen i material di oudio den kua nan ta aparesé, pa propósitonan di promoshon, edukativo òf di medionan di komunikashon.
2. Partisipantenan ta renunsiá na kualke derecho riba kompensashon pa uso di e imágennan akí.

Artíkulo 9 Disposishon Final

1. Den kaso ku e kondishonnan akí no ta aplikabel, A.G.K.K. ta disidí di manera rasonabel i hustu.
2. Pa medio di registrashon i partisipashon, kada grupo òf participante ta deklará di ta kompletamente di akuerdo ku e kontenido di e kondishonnan general akí.
3. E kondishonnan akí ta apliká na tur aktivitat di karnaval di e temporada 2026.

Artíkulo 10 Firma

Firmante ta deklará di a tuma nota i ta di akuerdo ku e Kondishonnan General di Partisipashon na Karnaval di Kòrsou ku ta pará ariba menshoná.

Nòmber di Grupo

Representante:

Firma:

Fecha:

Na Nòmber di A.G.K.K.:

Firma:

Fecha:

Artíkulo 11 Manual i Reglamentu

1. Partisipantenan ta obligá pa tuma nota di e Manual pa Lider di Grupo (Manual pa Lider di Grupo Karnavalesko) i di tur reglamentu anual òf komunikadonan di A.G.K.K.
2. E disposishon di e manual akí i e reglamentunan suplementario ta forma un parti integral di e kondishonnan general akí.
3. Den kaso di kontradikshon entre e manual òf otro dokumentonan i e kondishonnan general, e disposishon di kondishonnan general lo prevalesé.
4. E reglanan di ehekushon anual, manera stipulá den e dokumento “*Reglanan pa tene kuenta kuné pa marchanan di karnaval 2026*”, ta komplementá e kondishonnan general i ta konta pa tur partisipante den e temporada di karnaval 2026.